

**NXOPAXOPO WA THEME RA NEMESISI (MEMESIS) EKA TINOVHELE TA
NTLHANU LETI HLAWURIWEKE EKA XITSONGA**

HI

GEBUZA GILBERT MTEBULE

11595853

XITSALWANA XO ENGETELA EKA SWILAVEKO SWA XIKAMBELO

XA

DEGREE OF MASTERS BACHELOR OF ARTS

EKA DYONDZO YA XITSONGA EHANSI KA

MER MATHIVHA CENTRE

FOR AFRICAN LANGUAGES, ARTS AND CULTURE

MULETERI : DOK. BABANE M.T.

LEMBE UNIVEN LIBRARY 2011

Library Item : 20120788



NKATSAKANYO

Eka ndzavisiso lowu ku xopaxopiwa theme ra nemesisi tanihilaha ri paluxiwaka hakona eka tinovhele ta ntshanu ta Xitsonga. Xikongomelonkulu xa ndzavisiso lowu i ku kombisa leswaku vatsari va Xitsonga na vona va na byona vutshila byo tumbuluxa matsalwa lama ya katsaka swikhedzekhedze swo hambarahambana leswi swi nga xopaxopiwaka. Nxopaxopo lowu wu kombisa hilaha swiyimo swo tika swi humeletlaka hakona naswona swimunhuhatwa leswi humeleriwaka hi swiyimo leswi swa tsandzeka ku hlula. Ndzavisiso lowu wu andlariwile hi ndlela leyi:

- Ndzima ya 1: Ku hlamuseriwa nsunsumeto, xikongomelo, maendlelo lama nga ta tirhisiwa. Ku tlhela ku hlamuseriwa ni matheme lama nga tirhisiwa ngoptu eka ndzavisiso lowu. Milavisiso ya swidyondzeki swo hambarahambana lama yelanaka ni nxopaxopo lowu ya kombisiwile ku pfuneta ku ndlandlamuxa matwisiselo ya ndzavisiso lowu. Ndzima leyi yi gimeta hi ku kombisa leswi xitsalwana lexi xi andlarisiweke xiswona.
- Ndzima ya 2: Eka ndzima leyi ku xopaxopiwa theme ra nemesisi hi ku kongomisa eka tinovhele ta **Mibya ya nyekanyeka (1986)** na **Vutomi i vhilwa (1995)**. Eka novhele yin'wana ni yin'wana ku rhanga ku endliwa nkatsakanyo wa hungu kutani ku endliwa nxopoxopo.
- Ndzima ya 3: Eka ndzima leyi ku xopaxopiwa nemesisi eka tinovhele ta **Ndzi ngo tincikil (1987)** na **Ximambana (1992)**. Eka tinovhele leti ku kombisiwa hilaha swimunhuhatwa swi hlanganaka ni ku tikeriwa hakona ni hilaha swi ringetaka hakona ku huma eka swiyimo swoleswo, kambe swi tsandzeka.

- Ndzima ya 4: Eka ndzima leyi ku hambana ni tindzima letin'wana timbirhi ku xopaxopiwa theme ra nemesisi eka novhele yin'we ntsena ya **Hi ya kwihi? (1993)**. Tanihi le ka tinovhele leti kaneriweke eka tindzima letin'wana, nakona kwala ku rhanga ku nyikiwa nkatsakanyo wa hungu kutani ku endliwa nxopaxopo ku kombisa hilaha nemesisi yi humelelaka hakona.
- Ndzima ya 5: Ndzima leyi yi songasonga nxopaxopo wa nemesisi lowu endliweke eka matsalwa hinkwawo. Ku tlhela ku nyikiwa ni mavonelo lama kombisaka nkucetelo wa nemesisi ni swibumabumelo leswi nga ta pfuneta ku lemukisa vahlayi ni vaxopaxopi timhaka ta nemesisi ku nga ri eka matsalwa ntsena, kambe ni le ka vutomi bya hina bya siku na siku.

(v)